

榮縣志卷之四

輿地志

古蹟

時有古今事有興廢此望古遙集者所為攬江山之勝
槩挹賢哲之芳徽低回留之不忍去榮邑陸監高齋王
家書閣諸遺跡俱就荒廢倘略而不書何以慰懷古之
深情也志古蹟

周榮公封國

據名勝志即今縣地按公名不見經傳佐
武王有天下列十臣內錫土於此以盛德

留周厲王時其後榮
夷公入為卿士云

榮王府故城

縣西清富山新唐書唐元宗開元十三年
封其子琬於榮為榮王名勝志成通三年

榮縣志

卷十四 輿地志 古蹟

憲宗封皇子愔為蜀王出鎮於此宋真宗封子德雍
為榮王孝宗封子淳為榮王府仍舊淳登極為光宗
榮乃藩邸因升榮州為紹熙府宋史輟耕錄開禧元
年寧宗封衛國公皇子曦為榮王以榮州為王國築
城周二百丈號曰榮王城元末廢遺
址猶存教條刻石今移置儒學署內

資官廢縣

縣西東晉置宋志健為郡領治官縣義熙十
年置齊因之後廢隋復置元和志載咨官縣

本漢南安舊地大業十一年屬健為郡蓋誤以治為
咨也武德元年屬嘉州貞觀六年改屬榮州又誤以
咨為資東南至州七十五里今縣及健為縣地按省
志云晉置治官縣蓋以縣有鐵山出鐵置治而名也

南安廢郡南安廢縣

皆在縣西五十里齊永元三年置
隋廢今來牟鎮其故址也有南安

縣碑

應靈廢縣

縣西南本漢南安縣地隋開皇十年置大牢
鎮十三年改鎮為縣因縣界有大牢溪故名

屬資州仁壽初山獠猖獗以衛文昇為資州刺史到
官獠方攻大牢文昇單騎諭降之即此唐屬榮州唐

志景龍二年省雲州及羅水雲川胡連三縣入大牢
天寶元年改曰應靈宋因之元省入榮州今縣及健
地為縣

公井廢縣

縣東南九十里唐置屬榮州元和志曰縣西
北至州九十里本漢江陽地周武帝置公井

鎮以大公井為名隋因之唐武德元年於鎮置榮州
因改鎮為縣後移州治旭川以縣屬之宋熙寧四年

省為鎮入榮
德今貢井地

旭川廢縣

唐貞觀元年置因縣
有旭井故名今治

紹熙府榮德縣

宋置
今治

和義廢縣

隋置今威遠縣地舊志載入
榮州以其時榮威未分故也

榮州驛

縣東二
里今廢

白沙鹽司

縣
東

榮

縣志

卷十四

輿地志古蹟

二

桐床鹽司

縣南四十里今俱廢因
貢井設縣丞特裁兩司

榮德舊學址

公井舊學址

今俱
廢

桐子園

縣西二十里鐵
廠鋪官路傍

桐麻園

縣東北二十里山徑幽
深巒壑環抱今俱廢

芭蕉園

縣南二十里山谷縈紆林
木秀致宋榮王置今廢

羅村

縣南三十里宋榮王置
亭臺遺址猶有存者

花崖村彭村綾錦村杏春村楠木園竹園

俱宋藩故
跡今無考

八方琉璃井

在清富山
下今為池

槐花井

在城內清
冷異他泉

流盃池 今沒於堰砌

古郊社基 縣南十里

古禳基 縣東七里

鎮南塔 縣南龍頭山嘉慶十四年知縣許源重修凡十三層有記

龍洞 大佛山北麓真如院崖穴深宵洞左石壁奇峭巨柏老蒼

嘯臺 龍洞之右有石角立舊稱孫登嘯臺乃三榮之勝處為四州之冠故州郡以為遊宴之地陸游詩嘯臺載酒雲生屐又廢臺已無隱士嘯皆謂此也

蓮臺 縣東與嘯臺對峙

釣魚臺 縣南十里榮川之濱相傳榮隱先生曾漁於此水中石二唐人篆心月磯三字於碑立其上

後移入縣譙樓下明知縣王夢魁刻一絲九鼎於石明楊石刻詩於後石今沒

榮縣志 卷十四 輿地志 古蹟 三

此君軒 城內鳳鳴山文昌宮內宋王元公所題也廣輿記載有黃庭堅詩刻今無存軒亦僅遺舊址

國朝嘉慶中知縣許源重修幽室三做軒一環以曲廊復種以竹有記

高齋 縣西宋陸游有詞自序云三榮郡治之西因子城作樓觀曰高齋下臨山村蕭然如世外子畱十日

被命參成都戎幕臨行徙倚竟日作桃源憶故人一首詞甚悽惻也齋今廢

橫溪樓 舊名橫溪閣縣北跨於雙溪之上宋州人王序建陸游晚登橫溪閣詩有賣柴市近還家早煮

井人忙下麥遲句相近有石穴亦王氏地黃庭堅榜曰地仙洞樓今廢

講教堂 縣北聳雲山詳山川志

滇池 寰宇記載周迴三百里水出甚駛產馬日行五百里事同大宛今名滇池者周可四里許久無產馬

說之

成都市 九州要記漢武帝時南中令使通爨道無功唐蒙將殺之令曰恨不見成都市而死蒙因立市

如成都以殺之
故曰成都市

馬鳴戍益州記漢刺史韋拔夜過此地有神
馬嘶溪中馬嘶以應之故有此戍

栗亭縣南五十里明州人
蔡廉講易於此今廢

宸章閣奎章閣俱宋榮
王建

歲寒閣宋州守
李燾建

一勝亭俱縣南
真如崖

昭德堂講教堂俱宋
人建

竹梧堂鳳鳴堂連雲堂霜鐘堂鄂鞞堂俱縣北
鳳鳴山

清富樓迎曦亭襲香亭來薰亭望熙亭俱縣西
清富山

敬一亭縣北蓮
字山

榮縣志 卷十四 輿地志 古蹟 四

愛蓮亭六合亭俱縣署後
天慶山前

仰高亭迎恩亭俱縣西
鳳棲山

濯纓亭縣南浮
圖崖

歸來亭縣北雙
溪左

省耕亭縣東

勸農亭縣南知縣
張九思建

龍門亭龍洞
上

靈雨亭縣東榮梨山知
縣黃大本建

尊經閣在文廟內有記詳
藝文志以上俱廢

小井溝

邑西八十里小井溝摩巖刻七律二首首律被風雨磨滅僅存次律云頭角崢嶸萬丈山巖巖

氣象井參間青雲白石通元徑翠壁丹霞倒影澗智

水有源硤巨海天階循序步高原何人艮外無筋力

默會龜蒙小魯篇末題皇明嘉靖二十九年夏四月

六一真人胡可孝書字跡饒有古致

五音石

治西七十里古佛寺側有一石高二丈餘狀如鼓旁有數孔約深一尺許以手擊之有作金鳴

者有作鼓鳴者音響不一人呼為五音石

鳳鳴朝陽

龍湫夜月

榮德晴嵐

榮

縣志

卷四

輿地志

古蹟

五

筠山夕照

清富登臨

嘯臺遊賞

萬景岑樓

雙溪書閣

龍頭豎筆

翠壁凌霄

漁磯垂釣

石笋排空